

[Augsburg], 20. Juli 1555

An Joachim Camerarius d. Ä.

BSB, Clm 10370, Nr. 255.

Clarissimo viro, D. Ioachimo Camerario etc. Domino et amico suo colendo. Leipzig.
 S. P. D. Vehementer me pudet, mihi gratias abs te agi de re nihili: multò magis me puduit (ita
 me Deus amet) non eum tibi honorem a nonnullis fuisse habitum, quem et tua et illorum
 dignitas postulabat. ἀλλὰ τοῦτο τῶν γινομένων ἔστι. quia nostro sic viuitur aeuo, μέχρι τοῦ
 λέγειν δήπου, ἄνευ τοῦ πράττειν. D. Huldrichus putat equitis non equi vitio fuisse factum, quo
 minus Conradus pergere potuerit. Vtut est, ego te rectè fecisse statuo, et Fuggeros praeclarè et
 amanter de te loqui scio. vellem autem rerum adesse testimonia, ne verbis esset opus. plura
 quae scribam non habeo, nisi quod tibi et tuis felicissima omnia precor. Vale. 13 Cal[endas]
 Augusti Anno 1555.

Hiero[nymus] Wolfius
 Tuus.